



Na osnovu člana Naredbe Kriznog štaba Ministarstva zdravstva Kantona Sarajevo, broj: 70-20/2020 od 5.11.2020. godine, Naredbe Kriznog stožera Federalnog ministarstva zdravstva, broj 01-33-6191/20 od 4.11.2020. godine i Uputstva o organizaciji i realizaciji odgojno-obrazovnog rada u osnovnim i srednjim školama na području Kantona Sarajevo u školskoj 2020/2021. godini za period od 12.03.2021. godine do 26.03.2021. godine, u cilju daljnjeg praćenja situacije i poduzimanja mjera radi sprečavanja i ranog otkrivanja slučaja bolesti izazvane novim koronavirusom (COVID-19), Direktor INTERNACIONALNE GIMNAZIJE SEDEF Sarajevo **donosi**

REVIDIRANI

KRIZNI PLAN PRIPRAVNOSTI I ODGOVORA NA POJAVU NOVOG KORONAVIRUSA (COVID-19)

Ovim Planom se poduzimaju preventivne mjere u cilju usmjeravanja radnika, učenika, roditelja/staratelja i drugih posjetitelja INTERNACIONALNE GIMNAZIJE SEDEF Sarajevo u okolnostima izazvanim pojavom koronavirusa (COVID 19).

I RADNICI ŠKOLE, UČENICI, RODITELJI/STARATELJI I OSTALI POSJETIOCI

- Smanjenje fizičkih kontakata

Svi radnici, učenici, roditelji/staratelji i drugi posjetitelji Škole u obavezi su da smanje broj direktnih kontakata, uz poštivanje distance od minimalno 2 m, kako u zatvorenom tako i na otvorenom prostoru.

Svi radnici Škole moraju se pridržavati mjera fizičke udaljenosti i ukoliko borave u zajedničkim prostorijama moraju poštovati mjeru razmaka od minimalno 2 m odnosno Škola je dužna osigurati protok što manjeg broja osoba kako na ulazu škole tako i u unutarnjim prostorijama ustanove.

- Smanjenja radnih sastanaka

Boravak u zbornicama i drugim društvenim/zajedničkim prostorijama mora biti sveden na minimum

Svi radnici Škole u obavezi su da održavaju sjednice/sastanke putem online.

Nastavnici komunikaciju sa roditeljima također održavaju online.

- Način rada

Nastavnici su u obavezi da se pridržavaju Metodologije realizacije online nastave u Kantonu Sarajevo sa smjernicama za izradu digitalnog obrazovnog sadržaja i praćenja, vrednovanja i ocjenjivanja učenika, uz optimalnu upotrebu audio i/ili video komunikacije sa učenicima.

- Obaveza obavještanja u slučaju pojave simptoma zaraze korona virusom

Svi radnici Škole, u slučaju pojave simptoma zaraze korona virusom (povišena temperatura/suhi kašalj), obavezni su ostati kod kuće, te o tome obavijestiti nadležnu zdravstvenu ustanovu i poslodavca. Na isti način dužnost svih radnika je postupiti i u slučaju kontakta sa oboljelom osobom od korona virusa.

- Operativni tim za dalje poduzimanje neophodnih aktivnosti

Direktor imenuje Tim za dalje poduzimanje neophodnih aktivnosti u vezi sa sprečavanjem širenja zaraze u radnim prostorijama Škole, te u vezi sa istim donosi potrebna uputstva i instrukcije. Operativni tim se imenuje na prijedlog Nastavničkog vijeća. Operativni tim dužan je da vodi evidenciju

u skladu sa tabelama – Kontrolna lista za škole dostavljeno od strane JU Zavod za javno zdravstvo Kantona Sarajevo.

- Prijave u vezi sa nepoštivanjem propisanih mjera

Sve prijave u vezi sa nepoštivanjem propisanih mjera utvrđenih ovim Kriznim planom dostavljaju se na e-mail: info@igs.edu.ba

- Nepridržavanje mjera utvrđenih Kriznim planom

Nepridržavanje mjera utvrđenih ovim Kriznim planom predstavlja kršenje odredbi Zakona o zaštiti stanovništva od zaraznih bolesti („Službene novine F BiH“, broj 29/05).

II MJERE HIGIJENE

- Higijena

Svi radnici, učenici, roditelji/staratelji i drugi posjetioци INTERNACIONALNE GIMNAZIJE SEDEF Sarajevo su dužni pridržavati se mjera higijene izdatih od nadležnih institucija.

- Provjetravanje, čišćenje i dezinfekcija prostora

Provjetravanje, čišćenje i dezinfekcija prostora će se provoditi u skladu sa Smjernicama za prevenciju i kontrolu infekcije COVID-19 u osnovnim i srednjim školama u Kantonu Sarajevo JU Zavoda za javno zdravstvo Kantona Sarajevo, i to naročito preporuke za održavanje prostorija i opreme i upute za čišćenje.

III PREPORUKE RADNICIMA I UČENICIMA

Svakodnevno praćenje i djelovanje u skladu sa naredbama, uputstvima i ostalim aktima nadležnih institucija i službi.

Krizni plan pripravnosti može se promijeniti u skladu sa epidemiološkom situacijom te naredbama i preporukama Ministarstva zdravstva Kantona Sarajevo, Federalnog ministarstva zdravstva, Štaba civilne zaštite Kantona Sarajevo i Federalnog štaba civilne zaštite.

Preporučuje se redovno informisanje putem web stranice Federalnog ministarstva zdravstva: <https://covid19.fmoh.gov.ba/>

Brošura o Covid 19 sa svim informacijama nalazi se na <https://szks.ba/covid-19/>

Revidirani Krizni plan pripravnosti stupa na snagu danom donošenja i isti će biti objavljen na web stranici Škole, dostavljen svim radnicima škole putem e-maila i oglasnim pločama Škole.

Broj: 185/21

Datum: 16.03.2021. godine.

